

リ、子ニシテ道ヲツタヘタルナリ、醫道ノ課試忠康マデシタリ。其後スルヒトナシ。

〔台記〕仁平三年九月十八日甲辰、申刻參上、酉刻退廬、顯遠曰、主水正基康、神在腹之日、灸院羽鳥御腹、大失也。

〔山槐記〕治承三年十一月十四日戊辰、典藥頭定成朝臣來、腫物餘熱猶不散、開針口、今日冬至前三日之中也、憚針灸、然而聊開口、強不可及、憚之由、定成所示也。

〔玉海〕元暦二年○文治元年三月三十日癸丑、今日灸治三箇所加之、玉堂胃巨穴中骨等也、玉堂巨穴等神在心之時可避之云々、但丹家波氏申云、不可避玉堂、膻中可避之云々、和氏氣氏申云、紫宮玉堂等同可避云々、而三十七人三月神在心云々、仍日來不灸之、今日入四月節依爲三月中、依用節分、今日灸之、抑月神事、丹家申無月神之由、和家申有之由、不審之處、余先年見千金秘髓、方有年月日神之由見之、仍所信和家說也。

建久二年六月廿九日丙午、此日依醫家吉日灸治一所、明日以後久無吉日、病責侵之故也、十一月廿五日庚午、此日依吉日中宮奉指驗、今日依血忌、明日可奉灸也、余指之、不召醫師也、三年正月五日戊寅、定長語云、昨日諸醫相論之間無御灸、今日卒爾有御灸云々、余問云、昨日最上吉日也、雖爲血忌日於灸點者不可憚、仍昨日招驗者、今日令灸給宜歟、凡人之所用也、人君御事、今一重用心、然而事已急事也、隨又去年最初御灸如此云々、然者於此條者不可有巨難也、而空過吉日、今日寅最惡日、招驗即令灸給之條、未得其意、寅日者非啻入吉日、已出禁忌之日、加之戊寅者四絕日、於針灸者忌惟深、今日御灸太爲奇、但於急事者血忌人神所在之外不避之云々、爲其議者勿論也、若然者彌又昨日可被招灸點也、前後相違首尾錯亂、次第尤不審、定長云、昨日依血忌日灸點猶有憚之由、知康法師確執、他醫殊無申灸點止了云々、此事未曾聞也、血忌人神所在者、全非日之吉凶也、是各別事也、諸道之人滅亡我道、如獅子身中虫喰、末代之事可悲々々、雖無益事、存旨粗令定長長服膺歟。